

समे — 12:25

<><><><><><>

NSA

राष्ट्रीय सुरक्षा सलाहकार अजीत डोभाल होरें गलाया ऐ जे सोशल मीडिया दे राएं जेड़ियां झूठियां कहानियां फलाइयां जा'रदियां न, उंदे शा निबड़ने लेई फौरी तौरा पर असरदार कारवाई लोड़चदी ऐ। कल नमीं दिल्ली च सोशल मीडिया दे प्रभाव उपपर आधारत भारतीय सामरिक संस्कृति पुस्तक दे विमोचन समारोह दरान बोलदे होई श्री डोभाल होरें गलाया जे सोशल मीडिया दी विश्वास नीयता बल्लें-बल्लें खत्म होआ'रदी ऐ, इस लेई सोशल मीडिया दा उपयोग करियै एह्दा मकाबला करना लोड़चदा ऐ। उनें गलाया जे सोशल मीडिया उपपर नेइए कहानिएं दी खोज ते उनेंगी उजागर करने उपपर केन्द्रित करना लोड़चदा ऐ, जेड़ियां पूरी चाल्ली झूठियां न ते जिनेंगी तस्वीरें कन्नै पेश कीता गेदा ऐ। उनें गलाया जे भारतीय सेना दे बारे च सोशल मीडिया उपपर किश पोस्ट साढ़े रक्षा बलें दे मनोबल गी घट्ट करदे न, जेह्दा सशक्त ते असरदार तरीके कन्नै मकाबला करना लाजमी ऐ।

<><><><><><>

Panchayat

रियासती चुनां आयोग नै जम्मू जनवरी 2025 तगर मजूदा पंचायत मतदाता सूचिएं दी विशेष नजरसानी दे आदेश जारी कीता ऐ। खीरी मतदाता सूचि 6 जनवरी 2025 गी प्रकाशत कीती जाग। एसईसी दे हुक्मा मूजब सब्बै पंचायत चुनां बूथ अधिकारी, मतदाताएं गी लोड़चदी जानकारी देने ते आपत्तियां हासल करने लेई अपने सरबंधत मतदान केन्द्रें च मजूद राँहगन ते बीएलओएं इनें विशेष शिविरें दरान इनें अधिकारिएं दी मदाद करगंन। जिला पंचायत चुनां अधिकारी, जिले च सब्बने मतदान केन्द्रें पर विशेष शिविरें दे सुचारू संचलन दी निगरानी लेई दुए विभागें दे एईआरेओएं तैनाती करगंन। रियासती चुनां आयोग ने सब्बने 20एं डिप्टी कमीशनरें गी जम्मू कश्मीर दे बक्ख-बक्ख मतदान केन्द्रें च कुल 6 विशेष कैंप आयोजन करने लेई आखेआ।

<><><><><><>

Accession Day

समूलचे जम्मू-कश्मीर च अज्ज विलय दिवस मनाया जा करदा ऐ। अज्जै दे ध्याड़े सन् 1947 च उस बेल्ले दे डोगरा शासन महाराजा हरी सिंह होरें भारत सरकार कन्नै विलय पत्र पर दस्तख्त कीते हे जेह्दे कन्नै जम्मू-कश्मीर दे भारती संघ कन्नै विलय दी बत्त पदरी होई गई ही। इस ध्याड़े पर ब'रे 2020 च पैहली बारी सरकारी छुट्टी दा ऐलान कीता गेआ हा। अज्जै दे ध्याड़े जम्मू-कश्मीर च केई सारे कार्यक्रमें दा सरिस्ता कीता जा'रदा ऐ जिंदा मुख् मकसद एकता, रमानदारी ते तरक्की दे कन्नो-कन्नी खित्ते दी बन्न-सबन्नी संस्कृति दा संदेस फैलाना ऐ।

<><><><><><><>

Man Ki Baat

प्रधानमंत्री नरेन्द्र मोदी होर कल आकाशवाणी दे मन की बात प्रोग्राम च देश प्रदेश च रवा'रदे लोकें कन्नै अपने बचार सांझे करगंन। एह् इस रेडियो प्रोग्राम दी 115मीं कड़ी होग। प्रोग्राम दा प्रसारण आकाशवाणी ते दूरदर्शन दे पूरे नेटवर्क एयर न्यूज़ वेबसाईट ते न्यूज़ ऑन एयर मोआइल ऐप उप्पर होग। एह्दे इलावा आकाशवाणी ते डीडी न्यूज़ दे यूट्यूब चैनलें उप्पर एह्दा सिद्धा प्रसारण कीता जाग। आकाशवाणी प्रोग्राम दा क्षेत्रीय भाषा च अनुवाद हिंदी प्रसारण दे तुरत परैंत करी देग।

<><><><><><><>

Kishtwar

किश्तवाड़ दे डिप्टी कमीशनर राजेश कुमार शावन होरें कल सिविल समाज दे प्रतिनिधिएं कन्नै मलाटी करियै औंदे घ्यारें दे बक्ख-बक्ख पैह्लुएं उप्पर चर्चा कीती। पुलिस ते होर दुए विभागें

<><><><><><><>